

Naqqiut

Siunnersuut 24. februar 2016-imeersoq taarserpaa
(Siunnersuutip qulequtaa naqqiutigineqarpoq)

Uunga siunnersuut: Ilinniagaqarnersiutit pillugit Inatsisartut inatsisaata allanngortinneqarneranik Inatsisartut inatsisaat nr. xx af xx xx 2016-imeersoq
(Ilinniarnep nalaani ernialersuisarnermik atuutsitsilerneq aamma ilinniarnermi taarsigassarsianik akilersuinissamut maleruaqqusanik allannguneq erseqqissaanerlu)

§ 1

Ilinniagaqarnersiutit pillugit Inatsisartut inatsisaanni nr. 12, 22. november 2011-imeersumi imatut allannguisoqarpoq:

1. *Kapitali 4* atorunnaarsinneqarpoq.

2. Kapitali 5-imut qulequtaa ima oqaasertalerneqarpoq:

”Ilinniarnermi taarsigassarsianik ernialersuineq akilersuinerlu”

3. § 20-p kingornanut ilanngunneqarpoq:

”§ 20a. Ilinniarnermi taarsigassarsiat tunniunneqarnerannit aallartittumik ernialersorneqasapput.

Imm. 2. Ilinniarnermi taarsigassarsiat sukkulluunniit akiitsorilersimasat ernialersorneqasapput.

Imm. 3. Akiitsunik ernialersuisoqassaaq pisortat sukkulluunniit diskontoata 1%-imik ilasap angeqqataanik ernialersorlugit.

Imm. 4. Ernialiineq ukiut tamaasa ulloq 31. december imaluunniit ullormi akiitsut akilerneqarfianni pisassaaq.”

4. § 25, *imm. 2-mi* kisitsisit ”16-22” imatut allanngortinneqarput ”20-22”.

5. § 29, *imm. 1*, imatut oqaasertalerneqassaaq:

”Namminersorlutik Oqartussanit ilinniagaqarnersiutinik pissarsisarneq ilutigalugu ilinniarnermi taarsigassarsinermi taarsigassarsiat akilersorneqarnissaannut, tamatuminnga qinnuteqarneq tunuliaqutaralugu, Namminersorlutik Oqartussat tapiissapput taarsigassarsisup § 30-mi piumasaaqatit naammassisimappagit. Ilinniagaqarnersiutinilli pisussaanani pissarsisimanerup kinguneranik ilinniarnermi taarsigassarsiat akilersorneqarnissaannut tapiissuteqartoqarsinnaanngilaq. tak. § 25.”

6. § 31 imatut oqaasertalerneqarpoq:

”§ 31. Tapiissutit ukiup akilersuiffiup ingerlanerani akiliutaasimasut 50 procentiisa nalinginik

amerlassuseqartinneqartassapput, apeqqutaatinneqassanngilarlu akiliutigineqartut akiitsunut ernianulluunniit akiliutaasimanersut.

Imm. 2. Imm. 1-imi aningaasat taaneqartut saniatigut 50 procentinik tapiissuteqaqqittoqarsin-naavoq,

1) ilinniagaqartup piffissami ilinniarfiusussami ilinniagaqarnini naammassisimappagu, imaluunniit

2) ilinniagaqartup

a) 26-nik ukioqalertinnani inuutissarsiutitut tunngaviummik ilinniagaqarnini naammassisimappagu,

b) 26-nik ukioqalertinnani sivikitsumik ingerlaqqiffiusumik ilinniagaqarnini, inuussutissarsitigalugu bachelor-itut ilinniagaqarnini imaluunniit bachelor-itut ilinniagaqarnini naammassisimappagit, imaluunniit

c) 28-nik ukioqalertinnani kandidat-itut ilinniagaqarnini naammassisimappagu.

Imm. 3. Ilinniagaqarnersiutitut Namminersorlutik Oqartussanut akiitsorisanut tapiissuteqartoqassaaq tapiissutit akiitsuni nalunaarutigineqartut nalikilliliiffiginerisigut.

Imm. 4. Danskiteqarsinut naalagaaffiannut ilinniagaqarnersiutitigut akiitsorisanut tapiissutit tapiissuti-nik danskiteqarsinut naalagaaffianut akiliuteqarnikkut akilerneqassapput.”

Imm. 5. Tamatuma qinnutigineqarnera malillugu imm. 2-mi, nr. 1-imi piumasaqaatit Naalakkarsuisunit sanioqqunneqarsinnaapput taakkulu saniatigut 50 procentinik tapiissuteqaqqilutik, ilinniagaqartup uppersarsarpagu, kinguaattoorneq pissutsinik peqquteqartoq, taakkununga ilanngullugu ilinniagaqartup pisuussutiginnigisaanik ilungersunartumik nappaateqarneq.”

§ 2.

Inatsisartut inatsisaat ulloq 1. august 2016 atuutilersinneqarpoq, atuutissaarlu ilinniagaqartunut atuutsitsilernerup kingorna ilinniakkaminnik aallartitsisunut.

Imm. 2. Ilinniarnermi taarsigassarsiat Nunatta Karsianit aningaasalersorneqartut 1. august 2016 sioqqullugu taarsigassarsiaritinneqartut, taakku pillugit malittarisassat atuuttut naapertorlugit ernialersorneqassapput.

Imm. 3. Ilinniagaqartut 1. august 2016 nallertinnagu ilinniakkaminnik aallartitsisut ilinniarnermi taarsigassarsiaasa akilersorneqarnissaannut malittarisassat atuuttut naapertorlugit tapiissuteqartoqassaaq.

Namminersorlutik Oqartussat, ulloq xx.xx. 2016

Kim Kielsen